

## Dé ayòu veun lo noun Vatican ?

In cou, moui dé tén fet, lo Vatican ire lo noun d'in tsanti dé Roma qué sé trouave ou cohti dret dou *Tevere*, fran dévàn lo Tsan dé Mars é a drèta dou *Gianicolo*. Ire in poh pa san é umido ; to vâco, maque bon pé lardzi lé tsivre.

Quica dé tén aprì, Agrippina y a fet dé courti ou fon dou tsanti é l'impératoa Nérón y a fè fare in piquiò sirque privà ; lé didèn y an ità quiouà lé primì martire crétièn (i mitén dé loa co l'apetro Pièrè qué y at ità intèrà fran lé).

Dé indonca, lo tsanti y a vignà in simitire tan pé lé pagàn qué pé lé crétièn, tanque ou tén dé l'impératoa Costantén, dou 326 ou 333 aprì Jezù Cri, qué y a impianà lo tsanti in fizen-lo vigni piat é y a costruì la primì basilique dédicaye a Sen Pièrè.

Y è maque dépouì l'an 1870 qué lo Vatican y è la rézidènsè dou sen Pare, qué ou Moyèn Adzo itave didèn lo palah dou Latéràn é aprì pouè y a tramoua-se didèn d'atre palah romèn comèn lo *Quirinale*, qué ouèi y è la rézidènsè dou prézidèn dé la répebléca italienna.



lo gnalèi



Région Autonome  
Vallée d'Aoste  
Regione Autonoma  
Valle d'Aosta

Assessorat de l'Éducation  
et de la Culture  
Assessorato Istruzione  
e Cultura

### Tiré de :

www.focus.it, juin 2002

Texte publié en 2008 sur « Champdepraz-Tsandeprà informa » - Commune de Champdepraz

Collaborateur de Champdepraz pour la traduction : Silvana Berger

La transcription a été soignée par le Guichet Linguistique

Mise à jour de la graphie : octobre 2013